

FLOREAN DAL PALAZZ

— Al salte fur la Joibe —

(in fin ch' al varà fiat)

Ogni doi numars 5 centesims l'un — bez subit

Si vendin là vie da l'Edicelo e là dai Tabachins in Marciavioi, in piazza Contarene e in Borg di S. Bertolomio

REDAZION: su la fontane di piazze Contarene — AMINISTRAZION: su la foreado de Vigne

Par altri Florean al si lassará ciatà, quand che covento, in Stamparie Jacob e Colnagoe.

Tiradure 5,000 coplis.

Storie Patrie di Florean

E son passaz squasi trent'agn, ma par altri Florean al ha buine memorie e nol si dismentê.

Su la piazze dal Fisch, in ta che volte, al jere un gran Casoto di len dula che si devin rappresentazioni, si balave, insumts si lu faseve servi come un teatro. Anzit mi visi che i fasei plui di une solave cun d'une bieles frute che mi voleve tant ben... ma lassin là.

E ves di savê che e recitave la compagnie Sterni, compagnie taliane di comediis, e che veve ators avonde bogns e sore di dutt patriozz. Mi visi che un ator di che compagnie, un ciart Verardini, al fo mitut in preson par qualchi zornade, parçè che al veve ditt su no sai ce peraulis patriotichis.

L'Austrie, come che saves, no scherzave, e metev in cotege e buine sere sunadors.

La Puliziate la veve fisse cun cheste compagnie che clamave une sdrume di int ogni sere al Casoto. I citadins, savind che jerin talians e patriozz, e vignivin in folle e ju aplaudivin a plui non posso: e fasevin, insumts, come che podevin une dimostrazion taliane. Eoo parçè che la Puliziate e cicave tremendamentri.

Cenonê une bieles di, cun gran maravee di dugg i citadins, sun chell unich sfuei ch'al vignive fur a Udin in ta che volte, al capitâ un articul cuintri de compagnie Sterni, disind che son une manie di ciars e altris complimenz di cheste fate. Al ha bastat.

In te sere e jere rappresentazioni. Il Casoto al jere pien che nol colave in tiare nance un gran di mei. Citadins di ogni classe, puars, siors, feminis, fruzz, dugg e jerin in teatro. Apene scomenzade la recite, aplausos general e saludar in ators. Pôc dopo une vos si sparnizze in te fole. E disin che il prof. Mastie, Diretor di chell sfuei che al veve ditt mal dai comichs, al jere in teatro cun chell gallott di prof. Malpaga (che nol pajave nissun par fâi onor al so cognon) spie patentade da l'Austrie.

No i volê nè cuete, nè crude. E scomenzarin a

sberlà dugg cun tante vos che vevin: *fur lis spits, fur lis canâtz, fur i rineas, fur i lodeschs*, e tal ciaparin e a fuarç di pils tal cul e di sberlis, a ju ciazzarin fur dal Casoto. E tant il prof. Mastie che il prof. Malpaga e poderin ringrazia dio di cori a giambis e dopo di ve la custodie dai pulizai, che si fasein premure di compagnaju a ciase, se non cûi sâ cemud che saress lade a fin!

Ce us parial di chell prof. Mastie, che cumò al oress dâle ad intindi di jessi un patriott, un talianon? Crodial che i udines no sepin la storie? E son ancemò vis chei che jerin presinz al fazz che us hai contat. In ogni mud, se i udines a si dismentein di ches buinis lanis, al è pront Florean a svehur la memorie. E a cost di qualunque cost, al farà simpri il sò dovê.

FLOREAN

al prosett uno gran nuvitat

(Uè volt o dirli di ce che si trate)

Chell che Florean al sint senze olê.

Tra di doi zovenozz.

- Ce ti parial? ce tante int che jè a sinti la bande!
- E ce tantis bielis frutis! Ciale che là, ciale che là vie!
- Viodistu ches dos che vegnin in cû cumò?
- Cui sono, ciò?
- E son dos orladressis di ciapiet. Ce bieles che jè che more! Che altre e jè un pòc stuarti di giambis, ma no è ciative di muse.
- Sono fantatis di sest?
- Ma! and' hai sintudis di ches, sul so cont, che no mi plasin par nuje. E par zontê mi tooiâ pe' di viodi cui mief voi.
- Contimi si ce che tu has viodut?
- Che altre domenie mi ciatavi a spass par daur dal Cimiteri. O levi pensand al miei afars. Cenonê o sint daur di me dai pass e des vos. O mi volti indaur e o viod chëstis dos che vignivin indenant cui siei morôs al brazz. Un di chesg al ere munturat e chel, altri vistut di

omp. Jo, ch'ò soi stat simpri un curiosatt, prin che lor mi vedessin o mi platà. In ta che pusizion che o eri lât jo o vedeve dutt e o ti dis la veretat che, se o vessa pudut, o me sareass mocade par no sta là a puartà il mocul.

- E i siei genitors, puars diaui, e saran al seur di dutt, parcè che lor, cui sa ce che i dan a d'intindi par podè là a morosa.
- Cio, si sa po! Ma, che! o sperì che no tu laras a dial a di nissun.
- Eh! diambar! mi crodistu un frutt?.....
- Ben mandì, o voi a cene.
- O nei sintì ançe cheste ultime polche e po o voi ançe jo a mangià. Mandì!

* *

Tra di dos vedranis.

- Hae viodut ches quatri mascaris?
- Po' ce s'impensie, pardie! a no sin no mingo no di carneval cumò!
- Ma ben i vistiris di ches carneval! Po' tanche tai voi co no son di mascare! Che ciali, che ciali! e ce colòrs! Ceh po' i ches dos che passin cumò; diaul lis peteni! blanch e celest e aul cial chel biell pezzott di velète.
- Che mo i stà tanche un pugn t'un voli.
- E, a ciase, cui sa cemud che jé.
- Si puess imaginassi che bondanze a non d'han. Cio! puaretis, e fasin lis mestris; e cun tresinte e sessantecinq francs par an e puedin mangià pòs polezz. E po' a i van in tantis scarpis, par spassizz sù e jù par chell beat di Marciatvieri. (Joissus! s'al podessa fovelà!)
- Chell al è 'l esempi che i dan es scuellaris! di fassi viodi ridiculis, di fassi cioli vie, e di fà volta pe strade dute quante la iot. Insumis jo o dis che chell nol è decoro di une mestre. Ce i parial mo, siore Lucie?
- A mi mi pararess che, se fossin mea fis, o faress fur tante triace di lor, corponon! E son là che mi semèin tantis.... uh!! bocle tās! o vevi di dint une cumò....!
- Po' si, si che ha reson! O resti po' ancie di chei purcinei di genitora.
- Eh! genitors si!, un bon cuargnial eh! e po' cui lis volte cumò? Ma nance Dio. Ben discori di meti su il capelin!
- A proposit! E disin che lis sartoris 'e han des fotis; ma corpo e fur! o viod che chestis mestrutis che vegnin sù cumò and'han di pies, ma unmont.
- Mi dæ une prese, siore Rose?
- Po' ca, benedete!
- Ce isal? Sante Ustine?
- No, viodie; chell mi tazze il nas. Jo usi simpri scajat fin cun drentri vie un centesin di chell di odor.
- E dulà lu ciolie?
- Là di siore Miute.
- Che dal Florean?
- Po' si, benedete!
- (dutis dos t'une volte trucasì e ridind) Tabacchine, sta cujele!

Florean al Redentor.

La me Vitorie e jé la gran buine frutate. Al par che il plevan la vebi destinade je par puartà il gnuv standard des ancelis. A mi ha contat Vitorie che ches standard al ha di ve costat uns dosinte francs, cun dutt che qualchi part a sei stade regalade, come par esempi un biell boton d'aur, un boton cuasi biell, che in veretat bisogna dji, a chell standard, *il standard dal boton*.

In domenie e fo la binidizion dal gnuv standard. « Tu has di savè, Florean miò di dio, e mi disé Vitorie, che jo par che funzion i hai mitut sù i guans blancs; ma no ti dis migo cumò cui che m'ai ha daz, veh! I voress altri, se si vess di contà dutis lis fotis! Ciartis robis no covente aquacarális, al dis il nestri ciar plevan, il qual al è stat plui voltis criticat, parcè ch'al puarte tal det chell biell anell che noaltris i lin di vite di busa. Ma, nissun, fin cumò, al è mai stat bon di savè la storie di chell anell, nome jo; e o te conti a ti, Florean dal mio cur, parcè che o soi sigure che no tu vas a fà petegolezz. Chell anell ai è stat regalat al plevan di une persone, plene di timor di Dio, che sta in borg di Ciastelan. No sai po' se ançe 'l anell al sei stat benedit come il nestri standard. »

« Il nestri plevan dutt ce ch'al fās a lu fās ben. Lui al ul lā simpri indenant. « *Avanti, o morire!* » al zighe; e guaj a ché di noaltris che tirass indaur il cul, cumò! — Se tu vessis sintut in domenie! nus ha-fatt cianth ançe « *Bionda sì, bionda sì e mora no.* » — E la predice? Oh, ce predice! nus ha fatis val dutis quantis, ançe la cassiere, che lève sù e jù spacand la borse e petangie ançe pal nas a pui di une. »

« Insumis, a tirà drett cul nestri plevan, si ciatii gust; e po' i va ançe dal nestri interessa, parcè che dutis lis voltis che si riunisiss cun lui a si puarte a ciase qualchi regalutt. »

Vedeso mo' voaltris, che ciolevis vie il plevan e lis sos ancelis dal Redentor? No vevio reson mo' jo di difindilis e di sustignilis?

Une robe nome o voress savè; e di Vitorie no hai mai podut savè. Ce che dal diambar e imparin in ta che benedate sozietat, e se la scuele ch'ai insegnin e jé che di odeà il prossim, come che mi ha tociat di sinti a mi di une ancele, che pitost che fà la pas cun d' une so cugnade e ha vut cur di di che si contentaress di crepà.

O capiss il standard dal boton, la borse spacade, 'l anell dal Plevan, i regaluzz, dutt o capiss, ma no capiss cemud che cun ciarz esemplis a si vevi di ciatà dal genitors che lassin là lis sos frutatis daur di ciarte int.

S'e savarin a di, di cà di qualchi mes.

Florean pes canonichis.

Cumò a l'alte, cumò a la basse, cumò di cà, cumò di là, o hai intenzion di là, fintenemai che dure la buine stagion, a sbrindolon par cam-

pagne. Ben intindut che, tes villis, la persone la plu important al è squasi simpri il predi. Cussì mo' jo o uei là a faur una visite a dugg chei che mi parará che merten la me atenzion.

O foi che altre di t' une vile des bassis, e o vedèi che il plevan, sicome che ju afars de sante buteghe no i levin trop ben, al ha mitut su la fraterne di S Francesch pes feminis, che dal SS. Sacrament (cu la viesterosse a us dai garibaldins,) pai umin e po' che dai Terziarios e des Terziaris, no sai par cui; forsi che in ta che vile al sedi anco il *genre neutro*. Intant lui, cun chestis fraternis, al tire l'aghe al so mulin e al comande a bachete. Vive la semplicitat, al dis cheil plevan e al ha reson, fogo di bio! Bisugne viodi cemud che i siei confradis e consurs e corin a lavoraigi la tiare *gratis et amore Dei*!

Oh! al è un genio cheil plevan. Saveso ce ch'al fà par tignissi sott i siei parochians? Al bute lis ciartis; e ur dà a d'intindi che cul miezz des ciartis lui al sa dutt, dugg i segrez.

A mi contin ch'al è babio par fà matea i Municipis, e che il Municipi di Mortean al ha vut il so ce fà e il so ce di, par dispetolassi di ciarz garbuis che ohest sior plevan i veve plantat.

D'acordo po' cul capelan, ch'al è anco mestri di souele, e combinin matrimonis. Oh! e son doi famos sensars; e bogns dugg i doi par dà una man anco, s'al coventa.

E par uè baste cussi.

Us tagnarai informaz di dutis lis nainis che o podarsi scuviarzi tes mes visitis pes canonicis.

Corispondenze di Florean.

Cividat, al 17 di Luj.

I cividales no san capi, cemud che cheil tal Caporal che tu scrivevis sul to sfuei, sedi dismenteat; si viod, che tu sas poc stimà la int di genio, che merte fate cognossi. Cò no', vantin, il museo, il tempieto, di antich; di modernos Cian-dott e Tomadin, doi maestris illustris, e fra lis raritaz di zornade al è chest Caporal che, par datti une idee, nol baste ch'al sei domator di quais e gris, ma al ha un complett sierai di bestis, di quatri e di dos giambis, che si dis ch'al ueli amaestralis cui siei principis. Par altri mi disè che prime al spiete il formadi cu la lagrime, o pur la formajele di Villenarbe ben stagionade; che dopo al finirà di amaestrà il giatt, la cheche e il sturnell cun lui, e dopo al darà une rappresentazion sul prat dai Canons, dula chè al sarà assistut di dugg i siei seguez.

Dunco ti racomandi di no dismentealu, parçe che cà la joibe, spietin il Florean, come la domenie i numars dal lott, e dutt pai Caporal — ciao

Sandri.

* * *

S. Vit, 17 di Luj.

Cul no fasin che discori dal famos Copedaur, che mi disin che al è stat soldat da l'Italie, e

cheil Nardon, reduce anco lui des patriis campagnis, che al ha vut che question pai erès Magri.

E ce qualitat di nainis! Biei chei doi reducia che si batin cumò fra di lor! Si capiss dal rest cui che ha reson, ma par altri cul e son curios di savè come che jè lade a finì la storie. Si spere di lej sul Florean une relazion, come che al sa fàle lui, su lis brauris di chest famos Copedaur.

Bepo.

Da la zae di Florean.

O hai ricevut une curiose letare che fevele di un sartor e di un marciadant di panine. E jè rivade masse tard par podele stampà uè: la metarai Joibe vott.

* * *

Par Joibe po' o hai anco une bieie storielle di une *kellare* e di cheil zovin dal qual o publicai il ritratt tal numar passat. E vin di ridi, saveso, oh se vin di ridi!

* * *

O sperì po' anco di publicà un romanzutt intitolat: *Tabachine sta cujele*!

* * *

In d'une flande (vait a cirile dula che jè, a Udin par siour) si pretind che lis bigatis e vegnin a vore anco di fieste; e se no vegnin i dan doi francùzz di multe. Par altri, quanche ben e han lavorat dutt il dì, invece di dai il dopli come lavor straordinari, i consegnin la metat che son quarante centesims.

E po' e diran che i ciars flandirs no han umanitat!

* * *

E son dai imprenditors che fasin lavorà la so int quindis zornadis prime di consegnai la pae. Quanche vignin po' in ta che sabide che bisugne pajà, e procurin di staronza a chei puars lavorenz, qualche mieze, o qualche quart di zornade. Anco cheste e jè umauitat; ocio dal rest che no incarichi Vintarin di dai une lizion a chei siors imprenditori!

* * *

Anco cheste no jè ciative. Un sior al va là via de Ciargnele fur de puarte di Glemone a bevè une tazze. Al veve voe di mangià une pizzule ciosse e al domande ce che han. Vidiell in padiele, al rispuindè 'l ustir. Ma a di cheil sior il vidiell no i comodave mo. Che mi fasi doi ùs in antian al rispuindè. Us non vin, al disè 'l ustir. Che ju mandin a cioli al disè il sior. Eco, al torna a di 'l ustir, par cheste volte ju fas, ma un altre volte ùs nuje, capissial.

Saveso che a Udin e son dai ustirs originalt, Ma biei, sì po!

* * *

pagne. Ben intindut che, tes villis, la persone la pluì important al è squasi simpri il predi. Cussì mo' jo o uei là a faur une visite a dugg chei che mi parará che merten la me atenzion.

O foi che altre di t' une vile des bassis, e o vedèi che il plevan, sicome che ju afars de sante buteghe no i levin trop ben, al ha mitut su la fraterne di S Francesch pes feminis, che dal SS. Sacrament (cu la viesterosse a us dai garibaldins,) pai umin e po' che dai Terziarios e des Terziaris, no sai par cui; forsi che in ta che vile al sedi anco il *genre neutro*. Intant lui, cun chestis fraternis, al tire l'aghe al so mulin e al comande a bachete. Vive la semplicitat, al dis chell plevan e al ha reson, fogo di bio! Bisugne viodi cemud che i siei confradis e consurs e corin a lavoraigi la tiare *gratis et amore Dei*!

Oh! al è un genio chell plevan. Saveso ce ch'al fà par tignissi sott i siei parochians? Al bute lis ciartis; e ur dà a d'intindi che cul miezz des ciartis lui al sa dutt, dugg i segrez.

A mi contin ch'al è babio par fà matea i Municipis, e che il Municipi di Mortean al ha vut il so ce fà e il so ce di, par dispetolassi di ciarz garbuis che chest sior plevan i veve plantat.

D'acordo po' cul capelan, ch'al è anco mestri di souele, e combinin matrimonis. Oh! e son doi famos sensars; e bogns dugg i doi par dà una man anco, s'al coventa.

E par uè baste cussi.

Us tagnarai informaz di dutis lis nainis che o podarsi scuviarzi tes mes visitis pes canonicis.

Corispondenze di Florean.

Cividat, al 17 di Luj.

I cividales no san capi, cemud che chell tal Caporal che tu scrivevis sul to sfuei, sedi dismenteat; si viod, che tu sas poc stimà la int di genio, che merte fate cognossi. Cò no', vantin, il museo, il tempieto, di antich; di modernos Cian-dott e Tomadin, doi maestris illustris, e fra lis raritaz di zornade al è chest Caporal che, par datti une idee, nol baste ch'al sei domator di quais e gris, ma al ha un complett sierai di bestis, di quatri e di dos giambis, che si dis ch'al ueli amaestralis cui siei principis. Par altri mi disè che prime al spiete il formadi cu la lagrime, o pur la formajele di Villenarbe ben stagionade; che dopo al finirà di amaestrà il giatt, la cheche e il sturnell cun lui, e dopo al darà une rappresentazion sul prat dai Canons, dula ch'è al sarà assistut di dugg i siei seguez.

Dunce ti racomandi di no dismentealu, parcé che cà la joibe, spietin il Florean, come la domenie i numars dal lott, e dutt pai Caporal — ciao

Sandri.

* * *

S. Vit, 17 di Luj.

Cul no fasin che discori dal famos Copedaur, che mi disin che al è stat soldat da l'Italie, e

chell Nardon, reduce anco lui des patriis campagnis, che al ha vut che question pai erès Magri.

E ce qualitat di nainis! Biei chei doi reducis che si batin cumò fra di lor! Si capiss dal rest cui che ha reson, ma par altri cul e son curios di savè come che jè lade a finì la storie. Si spere di lej sul Florean une relazion, come che al sa fàle lui, su lis brauris di chest famos Copedaur.

Bepo.

Da la zae di Florean.

O hai ricevut une curiose letare che fevele di un sartor e di un marciadant di panine. E jè rivade masse tard par podele stampà uè: la metarai Joibe vott.

* * *

Par Joibe po' o hai anco une bieie storielle di une *kellare* e di chell zovin dal qual o publicai il ritratt tal numar passat. E vin di ridi, saveso, oh se vin di ridi!

* * *

O sperì po' anco di publicà un romanzutt intitolat: *Tabachine sta cujele*!

* * *

In d'une flande (vait a cirile dula che jè, a Udin par siour) si pretind che lis bigatis e vegnin a vore anco di fieste; e se no vegnin i dan doi francuèzz di multe. Par altri, quanche ben e han lavorat dutt il dì, invece di dai il dopli come lavor straoordenari, i consegnin la metat che son quarante centesims.

E po' e diran che i ciars filandira no han umanitat!

* * *

E son dai imprenditors che fasin lavorà la so int quindis zornadis prime di consegnai la pae. Quanche vignin po' in ta che sabide che bisugne pajà, e procurin di staronà a chei puars lavorenz, qualche mieze, o qualche quart di zornade. Anco cheste e jè umauitat; ocio dal rest che no incarichi Vintarin di dai une lizion a chei siors imprenditori!

* * *

Anco cheste no jè ciative. Un sior al va là via de Ciargnele fur de puarte di Glemone a bevè une tazze. Al veve voe di mangià une pizzule ciosse e al domande ce che han. Vidiell in padiele, al rispuindè 'l ustir. Ma a di chell sior il vidiell no i comodave mo. Che mi fasi doi ùs in antian al rispuindè. Us non vin, al disè 'l ustir. Che ju mandin a cioli al disè il sior. Eco, al torna a di 'l ustir, par cheste volte ju fas, ma un altre volte ùs nuje, capissial.

Saveso che a Udin e son dai ustirs originalt, Ma biei, sì po!

* * *